



Broj: 01/1-50-1-1-84/09
Sarajevo, 13.11. 2009. godine

Z A P I S N I K

84. sjednice Ustavnopravne komisije

Sjednica je održana 13. 11. 2009., s početkom u 9 sati.

Sjednici su prisustvovali članovi Komisije: Šefik Džaferović, Adem Huskić, Martin Raguž, Velimir Jukić i Momčilo Novaković.

Osim članova Komisije, sjednici su prisustvovali predstavnici: Ministarstva pravde BiH Fazila Musić, Milana Popadić i Bojan Ninković, Ministarstva civilnih poslova BiH Damir Dizdarević, poslanici Denis Bećirović i Remzija Kadrić, OSCE-a Amra Zorlak, iz Zakonodavno-pravnog sektora PSBiH Aida Kreho i Alma Salkić-Mijić te iz Sektora za odnose s javnošću PSBiH Zoran Brkić.

Sjednici su prisustvovali sekretar Komisije Igor Bajić i stručni savjetnik u Komisiji Nedžad Salman.

Nakon rasprave, Komisija je jednoglasno usvojila sljedeći

D N E V N I R E D

1. Usvajanje Zapisnika 83. sjednice Ustavnopravne komisije, održane 30.10.2009.;
2. Prijedlog zakona o sprečavanju nereda na sportskim takmičenjima u BiH, predlagači: poslanici Adem Huskić, Remzija Kadrić i Mehmed Suljkanović (**usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
3. Prijedlog zakona o izmjenama i dopunama Krivičnog zakona BiH, predlagač: Vijeće ministara BiH (**usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
4. Prijedlog zakona o praznicima Bosne i Hercegovine i neradnim danima, predlagač: Vijeće ministara BiH (**usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
5. Prijedlog zakona o Ustavnom sudu BiH, predlagač: poslanik Momčilo Novaković sa Zaključkom Predstavničkog doma sa 63. sjednice, održane 4.11.2009. (**usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i 104. Poslovnika Doma**);
6. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma- rasprava o Prijedlogu zakona i podnesenim amandmanima**);
7. Prijedlog zakona o izmjenama i dopunama Zakona o upravi, predlagač: Vijeće ministara BiH sa Zaključkom Predstavničkog doma sa 63. sjednice, održane 4.11.2009. (**postupak u nadležnoj komisiji u skladu s članom 110. Poslovnika Doma – rasprava o Prijedlogu zakona i podnesenim amandmanima**);
8. Ostala pitanja:
 - Prijedlog rezolucije o historijskoj vrijednosti i važnosti Prvog zasjedanja ZAVNOBIH-a (25.11.1943.) za državnost Bosne i Hercegovine, predlagač: poslanik Denis Bećirović (**razmatranje Prijedloga rezolucije u skladu s članom 41. stav (2) Poslovnika Doma**).

Ad.1. Usvajanje Zapisnika 83. sjednice, održane 30.10.2009.

S obzirom da nije bilo rasprave, Komisija je jednoglasno usvojila Zapisnik 83. sjednice.

Ad.2. Prijedlog zakona o sprečavanju nereda na sportskim takmičenjima u BiH, predlagači: poslanici Adem Huskić, Remzija Kadrić i Mehmed Suljkanović (usklađenost sa Ustavom BiH, pravnim sistemom BiH i principi prijedloga zakona, u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali članovi Komisije Adem Huskić i Martin Raguž.

Komisija je nakon rasprave, s četiri glasa „za“, bez glasova „protiv“ i jednim „suzdržanim“ glasom, utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s četiri glasa „za“, bez glasova „protiv“ i jednim „suzdržanim“ glasom, podržala principe Prijedloga zakona o o sprečavanju nereda na sportskim takmičenjima u BiH.

Ustavnopravna komisija jednoglasno je usvojila zaključak o potrebi organiziranja javne rasprave o ovom prijedlogu zakona, ako bude usvojen u prvom čitanju u Predstavničkom domu.

Ad.3. Prijedlog zakona o izmjenama i dopunama Krivičnog zakona BiH, predlagač: Vijeće ministara BiH (usklađenost sa Ustavom BiH, pravnim sistemom BiH i principi Prijedloga zakona, u skladu s čl. 103. i 104. Poslovnika Doma)

Predsjedavajući je otvorio raspravu u kojoj je učestvovala predstavica Ministarstva pravde BiH Milana Popadić.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s četiri glasa „za“, jednim glasom „protiv“ i bez „suzdržanih“ glasova, podržala principe Prijedloga zakona o izmjenama i dopunama Krivičnog zakona BiH.

Ad.4. Prijedlog zakona o praznicima Bosne i Hercegovine i neradnim danima, predlagač: Vijeće ministara BiH (usklađenost sa Ustavom BiH, pravnim sistemom BiH i principi Prijedloga zakona, u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali članovi Komisije: Adem Huskić, Martin Raguž, Šefik Džaferović, Momčilo Novaković, Velimir Jukić i predstavnik Ministarstva civilnih poslova BiH Damir Dizdarević.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje ovog zakona;
- je Prijedlog zakona usklađen sa Ustavom BiH i pravnim sistemom BiH.

Ustavnopravna komisija je, s tri glasa „za“, dva glasa „protiv“ i bez „suzdržanih“ glasova, podržala principe Prijedloga zakona o praznicima Bosne i Hercegovine i neradnim danima.

Ad.5. Prijedlog zakona o Ustavnom sudu BiH, predlagač: poslanik Momčilo Novaković sa Zaključkom Predstavničkog doma sa 63. sjednice, održane 4.11.2009. (usklađenost sa Ustavom BiH, pravnim sistemom BiH i principi Prijedloga zakona, u skladu s čl. 103. i 104. Poslovnika Doma)

Komisija je nakon rasprave, s tri glasa „za“, dva glasa „protiv“ i bez „suzdržanih“ glasova, utvrdila da:

- postoji valjan ustavnopravni osnov za donošenje ovog zakona;
- da je Prijedlog zakona usklađen sa Ustavom BiH i pravnim sistemom BiH.

Ustavnopravna komisija, s jednim glasom „za“, dva glasa „protiv“ i dva „suzdržana“ glasa, nije podržala principe Prijedloga zakona o Ustavnom sudu BiH.

Komisija je, u skladu s članom 107. stav (1) Poslovnika Predstavničkog doma, negativno mišljenje o predloženom zakonu obrazložila stavom da Prijedlog zakona o Ustavnom sudu BiH sadrži rješenja koja su suprotna principima sadržanim u Ustavu BiH, kada je u pitanju Ustavni sud BiH.

Ad.6. Prijedlog zakona o izmjenama i dopunama Zakona o ministarstvima i drugim organima uprave Bosne i Hercegovine, predlagač: Vijeće ministara BiH (postupak u nadležnoj komisiji u skladu s članom 110. Poslovnika Doma - rasprava o Prijedlogu zakona i podnesenim amandmanima)

Predsjedavajući je otvorio raspravu u kojoj su učestvovali članovi Komisije: Adem Huskić, Remzija Kadrić i predstavnik Ministarstva pravde BiH Fazila Musić.

Komisija nakon rasprave, s dva glasa „za“, tri glasa „protiv“ i bez „suzdržanih“ glasova, nije prihvatila Amandman I. poslanika Remzije Kadrića koji glasi:

Amandman I.

U članu 6. Prijedloga zakona, iza tačke 27. dodaju se nove tačke 28, 29., 30., 31. i 32. koje glase:

- „28. Zavod za zdravstvenu zaštitu;
- 29. Zavod za međunarodno naučnu, tehničku, obrazovnu i sportsku saradnju;
- 30. Zavod za zaštitu kulturnog, historijskog i prirodnog naslijeđa;
- 31. Uprava za geodetske i imovinskopravne poslove Bosne i Hercegovine;
- 32. Meteorološki zavod “.

Komisija, s dva glasa „za“, tri glasa „protiv“ i bez „suzdržanih“ glasova, nije prihvatila Amandman II. poslanika Remzije Kadrića koji glasi:

Amandman II.

Član 12. Prijedloga zakona briše se.

Članovi 13., 14., 15. i 16. postaju članovi 12., 13., 14. i 15. Prijedloga zakona.

Komisija, s dva glasa „za“, tri glasa „protiv“ i bez „suzdržanih“ glasova, nije prihvatila Amandman III. poslanika Remzije Kadrića koji glasi:

Amandman III.

Član 13. Prijedloga zakona briše se.

Članovi 14.,15. i 16. postaju članovi 13., 14. i 15. Prijedloga zakona.

Poslanik Adem Huskić povukao je svoj Amandman I.

Komisija je, s četiri glasa „za“, bez glasova „protiv“ i jednim „suzdržanim“ glasom, usvojila Amandman II. poslanika Adema Huskića koji glasi:

Amandman II.

Član 13. Prijedloga zakona mijenja se i glasi:

"Član 13.

Iza člana 29. dodaje se novi član 29a. koji glasi:

Član 29a.

Stupanjem na snagu ovog zakona, Arhiv Bosne i Hercegovine će, u skladu sa Zakonom o arhivskoj građi i Arhivu Bosne i Hercegovine ("Službeni glasnik BiH", broj 16/01), preuzeti Arhiv i dokumentaciju Uprave za geodetske i imovinsko pravne poslove, a odluku o statusu opreme, inventara, sredstava za rad, službenih prostorija i zaposlenih u upravi, donijet će Vijeće ministara Bosne i Hercegovine, na prijedlog Ministarstva civilnih poslova BiH, u roku od 60 dana od dana stupanja na snagu ovog zakona".

Komisija je, nakon rasprave, s četiri glasa „za“, jednim glasom „protiv“ i bez „suzdržanih“ glasova:

- prihvatila tekst Prijedloga zakona o izmjenama i dopunama Zakona o o ministarstvima i drugim organima Bosne i Hercegovine i predlaže Predstavničkom domu njegovo usvajanje;
- odlučila da se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.7. Prijedlog zakona o izmjenama i dopunama Zakona o upravi, predlađač:

Vijeće ministara BiH sa Zaključkom Predstavničkog doma sa 63. sjednice, održane 4.11.2009. (postupak u nadležnoj komisiji u skladu s članom 110. Poslovnika Doma – rasprava o Prijedlogu zakona i podnesenim amandmanima)

Predsjedavajući je otvorio raspravu u kojoj je učestvovao član Komisije Momčilo Novaković i predstavnica Ministarstva pravde BiH Fazila Musić.

Komisija je nakon rasprave, s dva glasa „za“, bez glasova „protiv“ i tri „suzdržana“ glasa, prihvatila Amandman I. poslanika Šefika Džaferovića koji glasi:

Amandman I.

U Prijedlogu zakona o izmjenama i dopunama Zakona o upravi u članu 29. st. (4) ii (5) brišu se.

Komisija je, s tri glasa „za“, bez glasova „protiv“ i dva „suzdržana“ glasa, prihvatila Amandman II. poslanika Šefika Džaferovića koji glasi:

Amandman II.

Član 34. briše se.

Komisija je nakon rasprave, s pet glasova „za“, bez glasova „protiv“ i bez „suzdržanih“ glasova odlučila da:

- prihvati tekst Prijedloga zakona o izmjenama i dopunama Zakona o upravi sa usvojenim amandmanima;

- se za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje predsjedavajući Komisije Šefik Džaferović.

Ad.8. Ostala pitanja:

- **Prijedlog rezolucije o historijskoj vrijednosti i važnosti Prvog zasjedanja ZAVNOBIH-a (25.11.1943.) za državnost Bosne i Hercegovine, predlagач: poslanik Denis Bećirović (razmatranje Prijedloga rezolucije u skladu s članom 41. stav (2) Poslovnika Doma)**

Predsjedavajući je otvorio raspravu u kojoj su učestvovali članovi Komisije: Adem Huskić, Martin Raguž, Šefik Džaferović, Momčilo Novaković, Velimir Jukić i poslanik Denis Bećirović.

Komisija je nakon rasprave, s dva glasa „za“, jednim glasom „protiv“ i dva „suzdržana“ glasa, podržala Prijedlog rezolucije o historijskoj vrijednosti i važnosti Prvog zasjedanja ZAVNOBIH-a (25.11.1943.) za državnost Bosne i Hercegovine.

S obzirom da nije bilo više pitanja, sjednica je završena u 11 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović